

# UGOVOR O JAVNOJ NABAVCI USLUGE

## Popravke i održavanja vatrogasne opreme

Zaključen između:

**1. UNIVERZITET U SARAJEVU, Obala Kulina bana br. 7/II, Sarajevo**, kojeg zastupa rektor prof. dr. Rifat Škrijelj (u daljem tekstu: Ugovorni organ)

ID: 4200494560007

i

**2. „PROVING“ d.o.o.** 71000 Sarajevo, Milana Preloga bb, koju zastupa direktor Krečo Amir dipl.ing. (u daljem tekstu: Izvršilac usluge)

ID broj: 4200289800003

TRN: 1610000025710055 otvoren kod Raiffeisen bank d.d Sarajevo

### I-PREDMET UGOVORA

#### Član 1.

Predmet ovog Ugovora je Usluga – **popravke i održavanja vatrogasne opreme** za potrebe i po zahtjevu Ugovornog organa, u skladu sa uslovima utvrđenim u Zahtjevu za dostavljanje ponude broj: 0101-4842-2/19 od 22.05.2019. godine (u daljnjem tekstu: Zahtjev za ponudu) i ponudi Izvršioca usluge broj: 1850/19 od 31.05.2019. godine (u daljnjem tekstu: Ponuda Izvršioca).

Izvršilac usluge se obavezuje da u skladu sa Ponudom, Zahtjevom za ponudu i pozitivnim propisima koji uređuju predmetnu oblast, izvršiti predmetnu uslugu.

Ponuda Izvršioca usluge je u prilogu i čini sastavni dio ovog Ugovora.

### II-VRIJEDNOST UGOVORA

#### Član 2.

Ukupna vrijednost usluge koja je predmet ovog Ugovora iznosi:

**2.659,00 KM bez PDV-a,**

(slovima:dvijehiljadešeststotinapedesetdevet KM i 00/100) što sa uračunatim PDV-om iznosi:

**3.111,03 KM** (slovima:trihiljadestotinujedanaest 03/100)

Cijene predmetnih usluga iz Ponude Izvršioca su nepromjenjive za vrijeme trajanja ovog Ugovora.

Izvršilac usluge je dužan pridržavati se jediničnih cijena iz Ponude.

### III-ROK PLAĆANJA

#### Član 3.

Ugovorne strane su saglasne da će Ugovorni organ izvršiti plaćanje izvršene usluge u roku od (30) trideset dana od dana dostavljanja potpisane i ovjerene fakture od strane Izvršioca usluge, uz koju mora biti dostavljena i narudžbenica potpisana od strane predstavnika ugovornih strana.

Faktura se dostavlja na adresu Ugovornog organa, Obala Kulina bana 7/II, 71000 Sarajevo, (Pisarnica).

Plaćanje se vrši na transakcijski račun Izvršioca usluge.

#### **IV-MJESTO IZVRŠENJA USLUGE**

##### **Član 4.**

Izvršilac usluge se obavezuje da će uslugu koja je predmet ovog Ugovora izvršiti u dogovoru sa predstavnikom Ugovornog organa na lokacijama:

- Rektorat UNSA (Obala Kulina bana 7/II)
- Univerzitetski tele-informatički centar (Zmaja od Bosne 8)
- Centar za interdisciplinarnu studiju (Zmaja od Bosne 8)

#### **V-NAČIN I ROK IZVRŠENJA USLUGE**

##### **Član 5.**

Pojedinačne usluge iz ovog ugovora, Izvršilac usluge će izvršiti u roku od 2 (dva) dana od dana zaprimanja narudžbenice.

#### **VI-OBAVEZE I ODGOVORNOST IZVRŠIOCA USLUGE**

##### **Član 6.**

Izvršilac usluge se obavezuje da:

- izvrši predmetnu uslugu koja odgovara zahtjevima i kvalitetu utvrđenom u Ponudi.
- Vršiti usluge iz člana 1. ovog Ugovora stručno, kvalitetno i na vrijeme, prema tehničko-tehnološkim standardima iz ove oblasti
- izvršiti uslugu na mjestu i u roku utvrđenom ovim Ugovorom, bez ikakvih dodatnih troškova izvršenja za Ugovorni organ;
- Uslugu popravke i održavanja vatrogasne opreme obavlja u terminima koje odredi Ugovorni organ, a koji ne remete obavljanje redovnih poslovnih aktivnosti Ugovornog organa.
- riješi eventualne reklamacije Ugovornog organa konstatovane od ovlaštene osobe Ugovornog organa;
- ispostavi fakturu za izvršenu uslugu.
- U slučaju bilo kakvih posebnih zahtjeva i rješenja od strane nadležne inspekcije iz domena servisiranja vatrogasne opreme, uz obostrano poštivanje odredbi ovog ugovora, izvršilac svu odgovornost preuzima na sebe.

Izvršilac usluge odgovara za kvalitet izvršene usluge, saglasno propisima i standardima koji regulišu predmetnu oblast i uslovima za njenu proizvodnju i promet.

## **VII-OBAVEZE UGOVORNOG ORGANA**

### **Član 7.**

Ugovorno organ se obavezuje da:

- izvrši kvalitativni i kvantitativni pregled izvršene usluge;
- izvrši uredno plaćanje ispostavljene fakture u skladu sa članom 3. ovog Ugovora.
- odredi Izvršiocu usluge termin za izvršenje predmetne usluge.

## **VIII-TRAJANJE UGOVORA**

### **Član 8.**

Ovaj ugovor se zaključuje na period od 1 (jedne) godine od dana obostranog potpisivanja ovog ugovora.

## **IX-PRAĆENJE IZVRŠENJA UGOVORA**

### **Član 9.**

Izvršilac usluge se obavezuje da izvrši uslugu ugovorenih karakteristika i kvaliteta.

Kvalitativnu i kvantitativno izvršenje usluge, vrše predstavnik Izvršioca i predstavnik Ugovornog organa, koji potpisom zapisnika ili otpremnice o izvršenju usluge potvrđuju da je usluga izvršena u skladu sa narudžbom Ugovornog organa i Ponudom Izvršioca usluge, bez primjedbi.

U slučaju da predstavnik Ugovornog organa, prilikom izvršenja usluge, konstatuje da izvršena usluga nije u skladu sa Ponudom ili da usluga ima nedostatke (u kvalitetu), predstavnik Ugovornog organa je dužan da odbije prijem takve usluge, te sačini Zapisnik o reklamaciji koji potpisuju predstavnik Izvršioca usluge i predstavnik Ugovornog organa. U slučaju reklamacije, Izvršilac je dužan da, o svom trošku, u roku od 1 (jednog) dana, od dana sačinjavanja Zapisnika o reklamaciji izvrši novu uslugu odgovarajućeg kvaliteta, a ukoliko to ne učini, Ugovorni organ ima pravo na jednostrani raskid ovog Ugovora i naknadu štete.

Smatra se da je Izvršilac usluge izvršio uslugu, danom potpisivanja Zapisnika ili otpremnice od strane predstavnika ugovornih strana..

## **X-RASKID UGOVORA**

### **Član 10.**

Ugovorni organ ima pravo jednostranog raskida ovog Ugovora i zadržati pravo na naknadu prouzrokovane štete, ukoliko se Izvršilac usluge ne pridržava odredaba ovog Ugovora u cijelosti ili djelimično, kao i u slijedećim slučajevima:

1. ukoliko Izvršilac kasni sa vršenjem usluge;
2. ako kvalitet usluge ne odgovara ugovorenom;
3. ukoliko Izvršilac ne izvrši uslugu bez nedostataka, nakon primjedbe predstavnika Ugovornog organa;
4. ako Izvršilac iz bilo kojeg razloga izuzev više sile, dođe u situaciju da ne može izvršiti uslugu.

Otkazni rok iznosi (2) dva dana i počinje teći od dana kada Izvršilac primi obavijest o raskidu ugovora od strane Ugovornog organa.

## XI-ZAVRŠNE ODREDBE

### Član 11.

U skladu sa članom 72. stav (6) Zakona o javnim nabavkama BiH, Izvršilac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

### Član 12.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

### Član 13.

Sve izmjene i dopune ovog Ugovora mogu se vršiti samo uz postignutu pismenu saglasnost Ugovornih strana. Bilo kakvi usmeni dogovori predstavnika Ugovornih strana neće imati pravni značaj.

### Član 14.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

### Član 15.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

### Član 16.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana. Svi primjerci važe kao original i imaju jednako pravno djelovanje.

**ZA UGOVORNI ORGAN**  
**Rektor**

**Prof. dr. Rifat Škrijelj**



Broj: 0101-4842-4/19

Datum, 06.06.2019.

**ZA IZVRŠIOCA USLUGE**  
**Direktor**

**Krečo Amir dipl.ing**



Broj: 1926/19

Datum: 11.06.2019